



Fylkesmannen i Hordaland

Sakshandsamar, telefon
Håvard Rød, 5557 2143

Vår dato
25.09.2017
Dykkar dato

Vår referanse
2016/7996 331.2
Dykkar referanse

Kommunal- og moderniseringsdepartementet,
Postboks 8112 Dep.,
0032 Oslo

Tilskot ved skjøn for 2017 - fordeling av resten av ramma

Fylkesmannen i Hordaland har ei attståande skjønnsramme for 2017 med kr. 13,9 mill. Denne ramma vil bli fordelt i samband med:

- a) særskilt fordeling til satsing mot barnefattigdom
- b) fordeling i samband med andre prosjekt og tiltak
- c) generell fordeling til kommunar med høg arbeidsløyse
- d) generell fordeling

a) Særskilt fordeling til satsing mot barnefattigdom, kr. 4,0 mill.

Fylkesmannen skal vere pådrivar overfor kommunane slik at det blir gitt eit samordna tilbod til utsette barn og unge. Fylkesmannen ynskjer at kommunane som er valt ut til å delta i satsinga mot barnefattigdom skal arbeida fram lokale løysingar som skal gjere kvardagen og framtida betre for dei barna det gjeld.

Bergen kommune har fått utbetalt skjønstilskot kr. 2,5 mill. tidlegare i år til satsinga mot barnefattigdom. Tilsegn vart gitt i 2016. Fylkesmannen legg ikkje opp til at kommunen skal få noko ny utbetaling av skjønstilskot til føremålet no i år.

Fylkesmannen har lagt opp til følgjande fordeling mellom kommunane i fylket til satsing mot barnefattigdom:

Askøy kommune	kr. 1.250.000,-
Fjell kommune	kr. 1.250.000,-
Kvinnherad kommune	kr. 750.000,-
Ullensvang herad	kr. 750.000,-

Fylkesmannen har på denne bakgrunn lagt opp til ei samla fordeling til satsinga mot barnefattigdom med kr. 4,0 mill.

b) Fordeling i samband med prosjekt og tiltak, kr. 2,65 mill.

Bergen kommune

Fylkesmannen har i brev av 02.juni d.å. til Bergen kommune gitt tilsegn om prosjektskjønn kr. 1,0 mill. i samband med etableringa av Vest brann- og redningsregion. Samarbeidet om brann- og redningstenesta mellom sjølvstendige brannvesen i bergensregionen er viktig for å

sikra eit fagmiljø med høg kompetanse, effektivitet, fleksibilitet og spesialisering. Dette samarbeidet vil kome fleire kommunar til gode.

Tilskot kr. 1,0 mill.

Voss kommune

Kommunane Voss og Granvin har vedteke kommunesamanslåing. For å vere best mogleg førebudd til samanslåinga ynskjer dei to kommunane å utarbeide ein felles kommuneplan. Det vil bli utarbeidd ein felles samfunnsdel til kommuneplan og samordning av arealdelen.

Fylkesmannen ga i samband med fordelinga av prosjektskjøn tidlegare i år kr. 100.000,- til føremålet. Det var då opphavleg søkt om kr. 170.000,-. Fylkesmannen vil no gi skjønstilskot for å dekke det attståande søknadsbeløpet.

Tilskot kr. 70.000,-

Samnanger kommune

Kommunen har fått ekstraordinære utgifter i barnevernet. Kommunen har motteke eit betydeleg krav frå Bufetat for ein tenestemottakar. Kravet har vore lagt fram for Barnevernets tvisteløysingsnemnd som har gitt Bufetat medhald. Kommunen vil innretta seg etter nemnda si tilråding.

Tilskot kr. 1,0 mill.

Fjell kommune

Kommunen skal i samarbeid med fylkesmannen utarbeide ROS - analyse for Knarrevika industriområde. Arbeidet med ROS - analysen er todelt. Først blir det utarbeidd eit forprosjekt. Med grunnlag i forprosjektet blir ein fullstendig ROS - analyse utforma.

Fylkesmannen vil gi kr. 140.000,- i skjønstilskot til gjennomføringa av forprosjektet til ROS - analyse.

Tilskot kr. 140.000,-

Tilskot i 2018 til hovudprosjektet vil bli vurdert nærare av Fylkesmannen. Det må liggje føre søknad frå kommunen i samband med hovudprosjekt. I vurderinga vår vil det bli teke omsyn til departementet sitt brev av 15. juni d.å. om skjønstilskot for 2018, samt retningslinene for skjønstilskot 2018.

Askøy kommune

Den kommunale barnevernstenesta har ansvaret for at barn får den hjelpa og det vernet som dei treng. Nasjonal kartlegging syner at det er store variasjonar i det akutte tilbodet i det kommunale barnevernet, også i Hordaland.

Det er eit lovkrav at alle kommunane kan tilby alle barn i fylket eit forsvarleg tilbod med omsyn til hastehjelp frå barnevernet heile døgnet, alle dagane i året.

Askøy kommune ynskjer å ta på seg ansvaret for koordineringa av eit prosjekt som har til føremål å utgreie korleis denne hasteberedskapen kan bli organisert i fylket. Skjønstilskot er til løn og driftsutgifter for ein prosjektleiar.

Tilskot kr. 400.000,-.

Osterøy kommune

I samband med fordelinga av prosjektskjøn tidlegare i år blei det gitt kr. 100.000,- til utgreiing av skogbrukstiltak mot ras, flaum og stormbrott i fire pilotkommunar. Opphavleg søknadsbeløp var kr. 145.000,-.

Det er no to nye kommunar som vil delta i utgreiinga. Fylkesmannen vil auka tilskotsbeløpet.

Tilskot kr. 40.000,-.

c) Generell fordeling til kommunar med høg arbeidsløyse, kr. 3,0 mill.

Vi har fordelt kr. 3,0 mill. av den attståande delen av skjønsmidlane til kommunar med høg arbeidsløyse. Arbeidsløyse har mange negative konsekvensar. For kommunane bidreg det til lågare skatteinntekter og aukande sosiale utgifter. Tilskotet er eit eingongstilskot, slik at det ikkje no er lagt opp til vidareføring i fleire år.

Kommunane Sund (4,1 prosent), Fjell (4,2 prosent), Øygarden (4,9 prosent) og Austrheim (5,3 prosent) har høgast arbeidsløyse i fylket, målt i prosent av arbeidsstyrken. Tal i parentes syner talet på arbeidslause i prosent av arbeidsstyrken i august i år (tal frå NAV).

Vi har teke med i vurderinga at det også er gitt eige øyremerkte sysselsetjingstilskot i 2016 og 2017 til kommunar på Vestlandet med høg arbeidsløyse. Vi vil difor berre gi tilskot til dei kommunane som har den aller høgaste arbeidsløysa i fylket. Dei aktuelle kommunane har også ei svak skatteutvikling i år.

Øygarden kommune har svært høge eigedomsskatteinntekter og får difor ikkje skjønstilskot i denne fordelinga av midlar. Vi vil på denne bakgrunn gi kr. 1,0 mill. til kvar av dei tre andre kommunane. Austrheim kommune får det høgaste tilskotsbeløpet per innbyggjar, men har også høgast arbeidsløyse i prosent. Fjell kommune vil få det lågaste tilskotsbeløpet per innbyggjar men får også tilskot frå andre delar av fordelinga av attståande skjønsmidlar (både punkt a og punkt b).

Fordeling av midlar basert på arbeidsløyse:

Sund kommune,	kr. 1,0 mill.
Fjell kommune,	kr. 1,0 mill.
Austrheim kommune,	kr. 1,0 mill.

d) Generell fordeling, kr. 4 ¼ mill.

Vi har fordelt den attståande delen av skjønssramma, kr. 4 ¼ mill., med om lag same prosent fordeling mellom kommunane som i den ordinære fordelinga av skjønstilskot for 2017. Kvar kommune får m.a.o. om lag like stor prosentdel av den attståande skjønssramma som i opphavleg ordinær fordeling av skjønsmidlar for 2017.

Samla fordeling av attstående ramme

Dette gir følgende fordeling av resten av skjønsmidlane for 2017 mellom kommunane:

		2017	Ufordelte skjønsmidlar	
Kommune- nummer	Kommune- Namn	Skjønstilskot	Føremål/tiltak	
1201	Bergen	1000000	Prosjekt	
1201	Bergen	740000	Generelt	
1211	Etne	160000	Generelt	
1216	Sveio	170000	Generelt	
1219	Bømlo	430000	Generelt	
1221	Stord	100000	Generelt	
1222	Fitjar	140000	Generelt	
1223	Tysnes	180000	Generelt	
1224	Kvinnherad	750000	barnefattigdom	
1224	Kvinnherad	0		
1227	Jondal	75000	Generelt	
1228	Odda	0		
1231	Ullensvang	750000	barnefattigdom	
1231	Ullensvang	115000	Generelt	
1232	Eidfjord	0		
1233	Ulvik	0		
1234	Granvin	75000	Generelt	
1235	Voss	70000	Prosjekt	
1235	Voss	240000	Generelt	
1238	Kvam	400000	Generelt	
1241	Fusa	230000	Generelt	
1242	Samnanger	1000000	Barnevern	
1242	Samnanger	110000	Generelt	
1243	Os	50000	Generelt	
1244	Austevoll	75000	Generelt	
1245	Sund	1000000	Høg arbeidsløyse	
1245	Sund	50000	Generelt	
1246	Fjell	1000000	Høg arbeidsløyse	
1246	Fjell	1250000	barnefattigdom	
1246	Fjell	140000	Prosjekt ROS	
1246	Fjell	80000	Generelt	
1247	Askøy	1250000	barnefattigdom	

1247	Askøy	400000	Prosjekt barnevern
1247	Askøy	80000	Generelt
1251	Vaksdal	50000	Generelt
1252	Modalen	0	
1253	Osterøy	40000	Prosjekt
1253	Osterøy	200000	Generelt
1256	Meland	180000	Generelt
1259	Øygarden	0	
1260	Radøy	160000	Generelt
1263	Lindås	0	
1264	Austrheim	1000000	Høg arbeidsløyse
1264	Austrheim	90000	Generelt
1265	Fedje	70000	Generelt
1266	Masfjorden	0	
Sum		13900000	
Kontroll		13900000	

Med helsing

Lars Sponheim

Rune Fjeld
assisterande fylkesmann

Gjenpart:

Sigmund Engdal, Kommunenes sentralforbund, Postboks 1378 Vika, 0114 Oslo

Brevet er godkjent elektronisk og har derfor inga underskrift.

